

PARLAMENTARNA SKUPŠTINA BIH
ZAKON O DOPUNAMA ZAKONA O KOMUNIKACIJAMA
("Službeni glasnik BiH", broj 75/06)

Na osnovu čl. III. 1. h) i IV. 4. a) Ustava Bosne i Hercegovine, Parlamentarna skupština Bosne i Hercegovine, na 61. sjednici Doma naroda, održanoj 27. jula 2006. godine, i na 84. sjednici Predstavničkog doma, održanoj 29. augusta 2006. godine, usvojila je

ZAKON

O DOPUNAMA ZAKONA O KOMUNIKACIJAMA

Član 1.

U Zakonu o komunikacijama ("Službeni glasnik BiH", broj 31/03) u članu 4. iza stava 2. dodaju se novi st. 3. i 4. koji glase:

"3. Pravna i fizička lica koja pružaju telekomunikacione usluge, osiguravaju telekomunikacione mreže i obavljaju telekomunikacione djelatnosti, obavezna su o vlastitom trošku osigurati održavanje funkcije zakonitog presretanja telekomunikacionih usluga i/ili djelatnosti koje obavljaju, kao i čuvanje i osiguranje telekomunikacionih podataka. Posebne obaveze tih lica u pogledu osiguravanja kapaciteta koji će omogućiti ovlaštenim agencijama da vrše zakonito presretanje telekomunikacija te kapaciteta za čuvanje i osiguranje telekomunikacionih podataka propisuje svojom odlukom Vijeće ministara Bosne i Hercegovine, na prijedlog Ministarstva sigurnosti.

4. Vijeće ministara Bosne i Hercegovine će odluku iz stava 3. ovog člana donijeti u roku od mjesec dana od dana stupanja na snagu ovog zakona."

Član 2.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH broj 350/06
29. augusta 2006. godine
Sarajevo

Predsjedavajući
Predstavničkog doma
Parlamentarne skupštine BiH
Martin Raguž, s. r.

Predsjedavajući
Doma naroda
Parlamentarne skupštine BiH
Goran Milojević, s. r.
